



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Sacrificio Missæ Expedite Celebrando Libri III

Tamburini, Tommaso

Coloniæ Agrippinæ, 1661

An obligetur Sacerdos aliquando celebrare parag. 2

urn:nbn:de:hbz:466:1-41878

Panormi videtur esse tacita aliqua
licentia, vel consuetudo, passim e-
nim die Iovis Sancto, ejusmodi sa-
cularium Societatis in suis Orato-
riis hæc peragunt.

§. II.

*An obligetur aliquando Sacerdos Missam
celebrare*

HUc, ubi agimus de tempore
Sacrificii, dubitatio hæc
reduci convenienter potest. Et o-
bligari quidem sub mortali simpli-
cem Sacerdotem (nam de Bene-
ficiatis, aliisque similibus mox)
saltem ter in anno, docent non-
nulli, & præcipue in Natali Do-
mini, Paschate, & Pentecoste. Sa-
tis esse si, præciso scandalo, semel,
hoc est, in Paschate, quando est
obligatio communicandi, alii b pu-
tant.

a Apud Dianam p 2. tr 14. ref. 19.

b Sanctus Bonaventura in 4. d. 7. art
2. q. 21.

tant. Nihilominus cum aliis a cen-
seo, Sacerdotem, qui numquam ro-
to vitæ suæ tempore, sacrificat,
dummodo in Paschate communi-
cet, saltem mortaliter non peccatu-
rum, ex eo præcise, quod non sacri-
ficet. Ratio est, quia non apparet
præceptum cum tanto rigore obli-
gans, ut late habent citati Docto-
res.

Parochorum obligatio celebrandi.

2. **Q**Uoad Parochum, cer-
tum est b obligari vel
per se vel per alium curare, ut
quando ejus parochiani obligan-
tur audire sacrum, celebretur Mis-
sa, quia ad hoc recipi stipendium,
& tale munus acceptant, extra id

L. 2 rem-

a Gabr. Sotus. Caet. Victoria alijque
apud Fag. 1 Eccl. præc. l. 3. c. 15. n. 1. Adde
Delugo de Euch. d. 20. sec. 1 n. 2. vide e-
tiam Suar. de Sacr. d. 80. sect. 1 §. Hac res,
& Narch. de ord. t. 3. p. 2. c. 36.

b Coninch. de Sacr. q. 83. art. 2. d. 1. n. 1.
302. Conc. Trid. sess. 2. c. 14.

tempus, ablata legitima consuetudine vel lege, vel pacto, non *a* sunt obligandi parochi ad sacrificandum, quia tale præceptum, in jure non adest. In Natali Domini, sicuti uni Missæ obligantur interesse Fideles, sic, & unam celebrare, quantum est ex hoc capite tenebitur *b* Parochus.

Denique an idem teneatur applicare aliquam Missam pro suis ovibus, vide infra l. 2. c. 2. §. 16.

Capellani, & Beneficiati obligatio celebrandi, remissivè.

1. **I**am Capellaniam, vel Beneficium habentes certum est obligari ad eas Missas eo tempore celebrandas, quas juxta Fundationem, vel pactum debent: Sed de hac materia sparsim, multa, libro tertio, differemus.

Obligatio

a March. de ord. tr. 3. p. 2. c. 30. n. 3.

b Fagund. 1. Eccles. præcept. c. 163. num. 2.

*Obligatio celebrandi quoad Ecclesias
Collegiatas.*

1. **I**N Ecclesiis Collegiatis Cathedralibus, Conventualibus, ubi competens est Sacerdotum numerus, solet Primo quotidie, saltem, una Missa privata celebrari. Solet Secundo altera cantari, quæ dicitur Conventualis, seu solennis.

Dico, quamvis aliqua in Rectoribus ejusmodi Ecclesiarum, mortale peccatum agnoscant, si aliquo die in hoc deficient, tamen probabile est, *b* (præscindendo ab aliqua peculiari talis Ecclesiæ obligatione) Missam sive privatam, sive solennem semel, vel bis omittere in hebdomada, non esse saltem

L 3

mor-

a March de ord. et p. 2. c. 30 à num. 5. citans Syar & Fagund. Coninch. de Euch q. 8 art. 2. d. 1 n. 203 Laym. l. 5. t. 5. c. 4. n. 5 b Victoria in Summa de Euch. n. 94.

mortale. Ratio est, quia nullus est obligandus sub culpa lethali, nisi manifeste constet de præcepto obligante, ac non apparet tale præceptum, nec quod tantum onus susceptum fuerit à Collegiatis, eo ipso, quod collegiatae sint.

§ Dices cum adversariis, omittere talem Missam, fore Primo scandalum. Secundo contra consuetudinem Ecclesiarum. Tertio contra *Cap: cum Creatura, de celebratione Missarum.*

Respondeo ad primum, non fore ad summum, nisi meram populi admirationem. Ad secundum, hanc non esse consuetudinem acceptam sub mortali, quia de hac non constat. Ad Tertium, nego colligi præceptum grave, ex dicto capitulo, quod, hic exscriptum, jam profero.

Cum

a March. *ibid. num 1. Su 17. de legibus lib. 7. cap. 15. Meratus apud Dianam p. 4 tr. 3. ref. 58.*

Cum Creatura non habeat quid pro meritis respondeat Creatori, &c. & infra: Mandamus, quatenus nullum in vos torporem negligentia obrepere permit- tatis, quo minus & pro anniversariis defunctorum, & pro festo, vel feria, secundum temporum congruentiam Mis- sarum solemniter, conventualiter cele- bretis. Hæc Canon. Ubi nota, Pri- mo illud: Mandamus quod ex ali- quibus a bonis Doctoribus non no- tat præceptum sub mortali. Nota se- cundo illud secundum temporum con- gruentiam, & illud Torporem quæ so- lum notant moveri Prælatum, ut si- ne torpore, temporum officia, & Missæ, juxta Rubricas, non omit- tantur: non igitur novum præcep- tum afferunt.

Nota Tertio, aliquos b Canoni- stas immerito ex hoc textu collige- re, semper in diebus Ecclesius, etiam in festis, dicendas necessario esse.

*L. 4. & duas
a Azor. p. p. l. s. c. 6. q. 5. Sà genuinus
V. lex n. 6. expurgatus n. 5. b Abb. in d.
c. cum creatura, §. Item nova.*

duas Missas, alteram de defunctis, alteram de festo, vel feria occurrenti, nō dicantur, peccari mortaliter à Prælato; Immerito, a inquam, siquidem Canon, solum, contendit, ut Anniversaria non omittantur, juxta cujuscumque Ecclesiæ obligationem, & in tali die Anniversarii, prætextu Missæ celebratæ pro defunctis, non negligatur alia Missa de festo, vel feria, juxta temporum congruentiam celebranda. Ceterum nequam præcipit, ut semper singulis diebus celebretur Missa defunctorum, inconueniens esset in Paschate v. g. defunctorum Missam celebrari.

Obligatio celebrandi Missam, de feria privilegiata.

Missam solennem de feria privilegiata (quales dumtaxat

*a Fillinc t. 1. tr 5. c. 4. n. 104 sine. Co-
ninch. de Euc. q. 83 art. 2. dub. 1. n. 204.*

taxat sunt omnes feriæ. Quadragesimæ. Quatuor temporum, Rogationum, & Vigiliarum) in prædictis Ecclesiis Collegiatis omitti non posse, sed occurrente etiam alio festo, canendam post Nonam declaravit a Sacra Congregatio. Quæritur ergo Primo An si id non fiat, mortaliter peccetur à Rectoribus Ecclesiarum. Secundo An ad id teneantur Ecclesiæ Regularium choro additorum.

Ad Primam quæstionem, Dico, non peccari mortaliter. Ratio est modo num. 4. dicta, quia non manifeste constat de tam riguroso præcepto.

7. At timenda est. Primo dicta declaratio Sacræ Congregationis. Secundo Rubrica Missalis id disponens. Respondeo ad Primum. De tali declaratione non constat authenticè. Ad Secundum. Ru-

L 5 brica

a *Apud Tambur. de jur. Abb d 5. quesito 10. n. 37. & March. de ord. tr. 3. p. 2. c. 30. n. 7.*

brica has duas Missas, nempe currentis Festi, & feriæ privilegiatæ, iungens, præceptum (ut alia interrim taceam) non denotat, ait enim *Cantantur* seu *dicuntur* dua Missæ; Quæ non sunt verba imperativa. Immo etiam si diceret, *Cantentur*, non statim probaretur præceptum sub mortali, nam verba imperativa non semper præceptum grave important.

8 Ad Secundam quæstionem, negant aliqui *b* Ecclesias Regularium dictas teneri, etiam si tenerentur aliæ Collegiatæ, quia putant horum Ecclesias non esse Collegiatas. Affirmant aliqui, *c* quia è contra censet vere Collegiatas esse. Utrumque probabile.

9 Ex eo autem, quod probabiliter ejusmodi Ecclesiæ Regularium non sint Collegiatæ, sequitur

a *Castrop* t. 1 de leg. d. p. 9. b *Rodr.* t. 1. q. Reg. 43. art. 12. *Peyrin.* t. 3. in *Add.* c. 1. an. 19. c *Portell.* l. in *Dub.* Reg. V. Missa n. 7.

tur a nec teneri ad celebrandam quotidie, saltem, unam Missam privatam, quantum est ex hoc capite, neque ad Missam Conventualem. Adde, & ea, quæ de Collegiatis in universum dicta sunt n. 3,

§. III.

Quando licet plures Missas, eodem die, celebrare.

I **A** Pud antiquiores *b* invenio casus omnino novem, in quibus pluries, eodem die, celebrare fas est.

Primo in Natali Domini, & quidem ter Valentia, die secundo Novembris, bis celebrant, ex indulto Pontificis.

Secundo, quando, quis præest duabus Ecclesiis, & nibis, in die,

L 6 facri-

a *Victoria Summa de Euch n. 94.*

b *Lege Coninch d. 83 de Euchar. 2. d. 3. n. 213* b *Delugo de Euchar. d. 20. sec. 2. n. 43 fine.*